

ՓԻԼՍՈՓԱՅԱԿԱՆ ԻՊԵԱԼԻԶՄԸ ԵՎ ՀԱՐԱՔԵՐԱԿԱՆՈՒԹՅԱՆ ՏԵՍՈՒԹՅՈՒՆԸ

Հարաբերականության տեսության շուրջը եղած մատերիալիզմի և իդեալիզմի պայքարը պայծառ էջեր մտցրեց իրար հետ անհաշտ փիլիսոփայությունների պայքարի պատմության մեջ: Այն դեռևս շարունակվում է և հիմնականում տարվում ժամանակակից նեոպոզիտիվիզմի դեմ: «Անկուսակցական», «չեզոք» փիլիսոփայությունը «քննադատում է» հարաբերականության տեսության թե՛ իդեալիստական և թե՛ մատերիալիստական մեկնաբանությունները: Այդ «քննադատությունը» ձգտում է «ապացույցել», որ հարաբերականության տեսության եզրակացությունները անզոր են լուծելու մատերիալիստների և իդեալիստների վիճաբանությունը: Այդ կապակցությամբ ժամանակակից նեոպոզիտիվիզմի հարաբերականության տեսության նկատմամբ ցույց տված մոտեցման հետադոտումը բերում է դեպի անցյալում տեղի ունեցած իդեալիստական՝ ինտուիտիվիստական, նեոպոզիտիվիստական և նեոկանտական մեկնաբանությունները, որոնք հրապարակվել են մինչև 1922 թ.:

Նախ նշենք, որ իդեալիստական ժամանակա-տարածական պատկերացումներն այս կամ այն չափով հենվում են նյութոնյան ժամանակա-տարածական պատկերացումների մետաֆիզիկական կողմերի վրա: Քանի որ հարաբերականության տեսության հետևությունները համատեղելի չեն նյութոնյան պատկերացումների հետ, ակնհայտ է, որ նրանք պետք է հակասեին բերդսոնյան, շլիկյան և կասիլիթերյան պատկերացումներին:

Բերդսոնյան ժամանակի և տարածության ինտուիտիվիստական հասկացությունները կառուցված են յուրահատուկ «զուտ տևականության» (Длительность, durée) հասկացության վրա¹: Նշված կատեգորիան հանդիսանում է ոչ միայն «ներքին զգայականության», «արտաքին զգայականության», այլ նաև «գիտակցության» հասկացության նախադրյալ: Առաջնահերթը, որի մասին մենք կարող ենք խոսել, ըստ Բերդսոնի, դա փոփոխությունն է ընդհանրապես, փոփոխությունը, զրկված որակական որոշակիությունից, որը չի կարող կոնկրետ ձևով պատկերվել և ինտելեկտուալ ձևով ըմբռնվել: Դա ընթացք է, անընդհատ անցում: Այդ ընթացքը նույնպես անընդհատ է, ինչպես անցումը: Անընդհատությունը այնպես է զրկված ընդհատությունից, որ չկան ոչ կոնկրետ իրեր, ոչ էլ կոնկրետ վիճակներ, իսկ եթե այդպիսիները թույլատրվում են, ապա միայն ենթադրվում են արհեստականորեն, անընդհատ վիճակի անօրինական անջատման շնորհիվ: Բերդսոնյան «ներքին ժամանակի պատկերացման հիմքում դրված է հոշակավոր «տևականությունը»: Անցնելով «ներքին զգացումից» «արտաքին զգացմանը», Բերդսոնը մոտենում է «արտաքին», «օբյեկտիվ», իրականում նույն սուբյեկտիվ ժամանակին: Այն բացարձակ է,

¹ А. Бергсон, Длительность и одновременность (по поводу теории Эйнштейна), Петербург, 1923.

ոչնչից չկախված, որովհետև «բոլոր անձերին հատուկ է «տևականության» միևնույն ըմբռնումը: Հետագայում անձերից վերացատկումով Բերգսոնը գալիս է գեպի «միասնական ընդհանրական ժամանակին», որը կապված է «անգեմ գիտակցության» աստծո գաղափարի հետ: Ըստ ինտուիտիվիզմի, պատահարների միաժամանակությունը և ժամանակային հաջորդականությունը ոչնչից կախված չեն, բացարձակ են, քանի որ դրանք ակնթարթորեն արձանագրվում են «ուշադրության անբաժանելի ակտով»: Հարաբերականության տեսության երևան գալուց հետո պարզվեց, որ պատահարների հաջորդականությունը կարող է հանդես գալ որպես միաժամանակություն, իսկ միաժամանակությունը՝ որպես հաջորդականություն: Ըստ էյնշտեյնի տեսության, միևնույն մարմինը կարող է ունենալ բազմաթիվ երկարություններ՝ տարբեր սիստեմներում և ժամանակի միևնույն տևողությունը կարող է ունենալ բազմաթիվ մեծություններ՝ կախված սիստեմների հարաբերական արագություններից: Պարզ է, որ Բերգսոնը չէր կարող չմեկնաբանել այդ տեսությունը, քանի որ տևականությունը դրված է նրա ինտուիտիվիստական փիլիսոփայության հիմքում:

Բերգսոնը չի ժխտում հարաբերականության տեսությունը, չի ժխտում, օրինակ, հարաբերականության հատուկ տեսության հիմքում ընկած հարաբերականության պոստուլատը և լույսի արագության հաստատությունը: Նա համաձայն է, որ այստեղ տեղի ունեն «ռելյատիվիստական էֆեկտներ», միաժամանակության և հաջորդականության խախտումներ, բայց համաձայն չէ այն պնդման հետ, որ այդ էֆեկտները օբյեկտիվ են, գիտակցությունից դուրս և անկախ: Նա համաձայն չէ, որ այդ տեսությունը ժխտում է տևականության մասին իր ուսմունքը, իր սուբյեկտիվիստական ժամանակա-տարածական պատկերացումները: Նա մանրամասն բացատրում է «միակողմանի հարաբերականությունը» (Լորենցի հիպոթեզը) և «երկկողմանի հարաբերականությունը» (էյնշտեյնի տեսությունը), բայց այդ տեսությունը պատկերացնում է ոչ ճիշտ: Կոորդինատային սիստեմը նա պատկերացնում է որպես եթերում «անշարժ» գտնվող: Կոորդինատային սիստեմը չի պատկերացնում այնտեղ «դիտողի» տեղադրումից անկախ: «Երկարաձգված» ժամանակի ոչ օբյեկտիվությունը և «ֆիկտիվությունը» նա հիմնավորում է նրանով, որ ամեն մի դիտող, ժամանակը, որպես «փոփոխված» ըմբռնում է ոչ թե սեփականը, «տեղականը», այլ ուրիշի ժամանակը: Ժամանակի ֆիկտիվության հասկացությանը «երկարացված» ժամանակի օրինակի վրա նա արտահայտվում է այսպես. «Իրական է այն, որը չափվում է իրական ֆիզիկոսի կողմից, ֆիկտիվ է այն, որը պատկերացվում է իրական ֆիզիկոսի կողմից, ֆիկտիվ է այն, որը պատկերացվում է իրական ֆիզիկոսի մտքով, որպես ֆիկտիվ ֆիզիկոսի չափման արդյունք»²: Արստրալտ դատողությամբ ժամանակի հարաբերականությանը հանգելը ինտուիտիվիստը համարում է անօրինական: Բայց նույնպիսի արստրալտիկաների վրա են կառուցված նաև նրա «տևականությունը» («длительность»), «տիեզերական բանականությունը», «միասնական, ընդհանրական ժամանակը»: Նրկու հաշվարկային սիստեմներում տարբեր դիտողների ենթադրումը նա համարում է ոչ գիտական և գտնում է, որ դա հավասարազոր է երկու սիստեմների անշարժության ընդունմանը և հակասում է հարաբերակա-

² А. Бергсон, Длительность и одновременность, стр. 72.

նության տեսությանը: Նրա մի շարք փիլիսոփայական դատողությունները ցույց են տալիս, որ նա կիրառում է «ավենարիուսյան կոորդինացիայի» նոր բերգսոնյան տարատեսակը, որը կոորդինացնում է զգայացվողը զգայացողի հետ: Ինտուիտիվիստի ողևորվածությունը հասնում է այն աստիճանի, որ նշված տեսության մեջ նա տեսնում է իր «տեականության» ավելի համոզիչ հիմնավորում, քան այն, որ կարող էր տալ դասական մեխանիկան: Առաջ,— բացատրում է Բերգսոնը,— հաշվարկային սիստեմները հանդիսանում էին ոչ հավասարազոր, նրանք կամ անշարժ էին, կամ շարժվող: Նոր տեսության յույսի տակ նա տեսնում է սիստեմների բացարձակ համարժեքություն, որը նա դիտում է որպես տեականության անհատական զգայականությունների ավելի հավանական նույնականություն: Բերգսոնը կարծում է, որ նրա տեականությունը վերաբերում է ոչ միայն հարաբերականության հատուկ տեսությանը, այլ նաև՝ ընդհանուր տեսությանը: Նա գտնում է, որ ժամանակի պատկերացումը ընդհանուր տեսությունը պետք է ընդօրինակի հատուկ տեսությունից, իսկ տարածության պատկերացումը, հակառակը՝ հատուկը ընդհանուրից: Հետազոտության արդյունքը հանգեցնում է այն եզրակացության, որ էյնշտեյնի տեսության մեկնաբանությանը ինտուիտիվիզմը մոտեցել է Բերկլիի, Լայբնիցի, Կանտի, Ավենարիուսի և մյուսների դասական իդեալիզմի դիրքերից: Հարաբերականության տեսության նկատմամբ Բերգսոնի մոտեցումը քաջահայտ իդեալիստական է և համեմատաբար ինքնուրույն:

Հարաբերականության տեսությունը հակասում է տարածության ու ժամանակի ոչ միայն ինտուիտիվիստական, այլև պոզիտիվիստական պատկերացումներին: Մախիզմը հարաբերականության տեսության հետ համաձայնեցնելու դիրքերից է հանդես եկել «վենական խմբակի» հիմնադիրներից Մ. Շլիկը³: Շլիկը տարբերում է «հոգեբանական» ինտուիտիվիստական, սուբյեկտիվ տարածությունը «տրամաբանական», «ֆիզիկական», «օբյեկտիվ», իրականում նույն սուբյեկտիվ տարածությունից: Հարաբերականության տեսության հետևությունները նա վերագրում է ոչ թե «հոգեբանական», այլ «տրամաբանական» տարածությանը: Մախիստը չի կարող թաքցնել, որ զգայությունները պարունակում են տարածությանը վերաբերող որևէ բան, չի կարող թաքցնել, որ այն արտացոլվում է աբստրակտ կերպով: Բայց նա անջատում է միմյանցից զգայական օրգանների կողմից ընկալված տարածության զգացումը ֆիզիկական տարածությունից, ինչպես նաև տարածության աբստրակտ արտացոլումը գիտակցությունում տարածության զգայական ընկալումից: Զգայականի և ռացիոնալի դիալեկտիկայի փոխարեն մենք գտնում ենք վերջիններիս մեխանիկական խառնուրդը: Ժամանակին է. Մախը (որը մերժել է «հարաբերականության տեսությունը» որպես ոչ գիտական) քննադատել էր կանտյան ժամանակա-տարածական պատկերացումները այն տեսանկյունից, որ նրանք զուրկ էին փորձնական ծագում ունենալուց: Այս հարցում Մ. Շլիկը դավաճանում է իր ուսուցչին: Ժամանակի և տարածության կանտյան տեսության «կորիզը», որի համաձայն ժամանակը և տարածությունը հանդիսանում են «մեր ինտուիցիայի ձևերը» և որոնք չեն կարող վերագրվել «ինքնին իրերին», նա գտնում է որպես «ճիշտ»: Բայց նույն ժամանակ նա հանդես է գալիս «ճշմար-

³ М. Шлик, Время и пространство в современной физике. Сб. Теория относительности Эйнштейна и ее философское истолкование, ОНТИ, М.—Л., 1923.

տության» բավական ոչ պարզ արտահայտության դեմ, որի համաձայն խոսքը միակ տարածության մասին է, շտաբբերելով «ինտուիտիվ տարածությունը» «ֆիզիկական տարածությունից»: Նա հաղթահարում է մախիդմի և կանտականության որոշ հակասություններ և ճիգեր է գործադրում նրանց սինթեզման մեջ: Մ. Շլիկը կանգնած է ընտրության առաջ. ընդունել հատուկ հարաբերականության տեսության բովանդակության օբյեկտիվությունը (դրանով իսկ մերժել տարածությունների մախյան «տեսությունը») թե տարածությունների մախյան տեսությունը, մերժելով հարաբերականության տեսության բովանդակության օբյեկտիվությունը: Պրոբլեմը լուծելու համար նա դիմում է իդեալիզմի միջանկյալ տարատեսակությանը: Տեսությունը ընդունվում է, բայց նրա եզրակացությունները վերագրվում են կանտյան և բերգսոնյան ոգով ըմբռնվող «մտավոր տարածությանը»: Մասնակի հարաբերականության տեսության պոստուլատները Մ. Շլիկը համարում է ապրիորի: Տեսության ճշմարտությունը նա գտնում է երևույթների «պարզորոշ բացատրման» մեջ: Եթերի մերժումը այստեղ նույնացված է տարածության օբյեկտիվության ժխտման հետ: Տեսության էությունը կայանում է նրանում, որ այն տվել է «չափման նոր մեթոդ»: «Չափման մեթոդին» այստեղ նախորդում են արդյունքի մեկնաբանման սկզբունքները, որոնք հենված են կամավոր պայմանավորվածությունների վրա, կոնվենցիոնալիզմի ոգով: Բերգսոնի մոտ կոորդինացված էին «զգացողը» և «զգայականը», իսկ Մ. Շլիկի մոտ՝ «չափողը» և «չափելին»: Մ. Շլիկը, որը մերժում է (խոսքերով, բայց ոչ գործով) փիլիսոփայության հիմնական հարցի իմաստը՝ մատերիայի, շարժման, տարածության և ժամանակի օբյեկտիվության կամ սուբյեկտիվության հարցերը, դժվար է պատկերացնում դասական և ռելյատիվիստական մեխանիկայի հարաբերությունը, էվկլիդյան և ոչէվկլիդյան երկրաչափությունների հարաբերությունը: Նրան դժվար է թաքցնել, որ մեկնաբանվող տեսությունը հակասում է Ա. Պուանկարեի այն տեսակետին, որի համաձայն «փորձը» երբեք չի պարզի տարածության էվկլիդականությունը կամ ոչ էվկլիդականությունը: Դժվար է համաձայնվել այն պնդման հետ, ըստ որի կպարզվի տարածության էվկլիդականությունը, որովհետև հարկ կլինի վերանայել «փորձի» նկատմամբ ցույց տրվող մոտեցումը: Հակառակը պնդել հնարավոր չէ, քանի որ անիմաստ կդառնա էյնշտեյնի գաղափարները պարզաբանելուն և պրոպագանդելուն նվիրված նրա սեփական գիրքը: Հարցի կոմպրոմիսային լուծումը հաջողվում է ավանդական «նկարագրման պարզության» կիրառման շնորհիվ: Տեսության «նեոպոպիտիվացման» վերջում Մ. Շլիկը հայտարարում է, որ նա հանգել է հենց այն «ժամանակի և տարածության ըմբռնմանը, որը էյնշտեյնի կողմից ճանաչվել է որպես ֆիզիկայի համար միակ կարևորը»: Դրանով իսկ փորձ է արվում մեզ համար կասկած չառաջացնող էյնշտեյնյան մատերիալիզմը փոխարինել պաշտպանվող նեոպոպիտիվիզմով:

Մ. Շլիկը չի թաքցնում, որ «աշխարհի խիստ պոզիտիվիստական ուսուցանող» չի բավարարում հռչակավոր հետազոտողներին: Չափազանց դժվար է այդպիսի անսովոր տեսության մեկնաբանության հիմքում տեղավորել մախիստական «զգայականության կոմպլեքսները»: «Ինտուիտիվ էլեմենտների» հետ մեկտեղ նա թույլատրում է «անմիջականորեն զգայացվող էլեմենտներ», Դրանով իսկ քայլ է արվում իդեալիստական «կոմպլեքսներից» դեպի իդեալիստական «նշանները» և «խորհրդանիշները»: Այդ հարկադրված քայլում իր դերն

ունի հարաբերականության տեսությունը: է. Մախը քննադատվում է Շլիկի կողմից, բայց հեղինակությունը ճնշում է նրան: Սկսնակ նեոպոզիտիվիստի քայլերը անվստահ են: Զղափաճանելով իր ճշմարտության շափանիշին, նա ընդգծում է, որ եթե երկու ըմբռնումները (նրա ու Մախի) հակասում են մեկը մյուսին, ապա չկա խիստ ապացույց հոգուտ որևէ մեկի ճշմարտության: Արդյունքում սկեպտիցիզմին զոհաբերված է նույնիսկ սեփական իմացաբանությունը: Սակայն նա համոզված է նրանում, որ ժամանակի և տարածության հասկացությունների էյնշտեյնյան վերլուծությունը գտնվում է զարգացման նույն գծի վրա, որի վրա և գտնվում է սուբստանցիայի և պատճառականության պատկերացման Յումի քննադատությունը: Նվ այդ այն դեպքում, երբ Ա. էյնշտեյնը երկու տարի շարունակ չէր հրապարակել իր տեսությունը նախօրոք չհամոզվելով, որ պատճառականության օրենքը անձեռնմխելի է: Ի տարբերություն Բերգսոնի, Մ. Շլիկը մատերիալիզմի դեմ հանդես է գալիս քողարկված: Այստեղ մենք համոզվում ենք, որ իդեալիզմի տարատեսակություններից ամենավտանգավորը նեոպոզիտիվիզմն է:

Հարաբերականության տեսության մեկնաբանությունով հանդես է եկել նաև նեոկանտական է. Կասիրերը⁴: Նա պաշտպանում էր նեոկանտականության ռելյատիվիստական տարատեսակությունը: Նրա առջև խնդիր էր դրված. վերանայել կանտական ապրիորիզմը, որը սերտ կապված է ժամանակի և տարածության կատեգորիաների հետ: Իրոք, հարաբերականության տեսության լույսի տակ ժամանակի տևողությունը և մարմնի տարածական շափերը կարող են ունենալ բաղմաթիվ արժեքներ, տարբեր հաշվարկման սիստեմներում: Ըստ Կանտի, ժամանակը և տարածությունը, որպես «զուտ հայեցողության ապրիորի ձևեր» սուբյեկտիվ են, բացարձակ և անշարժ: Հակադրությունը ակնհայտ է: Պատմական ապրիորիզմը պաշտպանելու համար Կասիրերն ամեն ինչ անում է, որ մեկնաբանվող տեսությունը սուբյեկտիվացվի սկսած ելադրույթներից: Պոստուլատները և աքսիոմները նա համարում է ապրիորի: Հասկացություններում և կատեգորիաներում չի տեսնում «եզակի բովանդակությունների արտացոլում»: Մատերիալիզմն անվանելով «միամիտ և դոգմատիկ ռեալիզմ», նա վերաբերվում է անբարյացակամորեն: Նա ընդունում է վերոհիշյալ Շլիկի «չափման տեսությունը», ավելացնելով, որ չափմանը և չափման արդյունքի մեկնաբանմանը միշտ նախորդում է «չափման և չափման արդյունքի մեկնաբանման գաղափարը»: Կասիրերը համառորեն պրոպագանդում է ժամանակի և տարածության անցումը «հատկություններ» կատեգորիաների շարքից դեպի «հարաբերություններ» կատեգորիաների շարքը: Բայց հարաբերություններն այստեղ ըմբռնվում են Կանտի ոգով: Զէ՞ որ «զուտ բանականության քննադատության» մեջ, Կանտը պնդում է, որ «մեզ արտաքին զգայության միջոցով չի տրված ոչինչ, բացի հարաբերության պատկերացումից, իսկ արտաքին զգայությունը իր պատկերացման մեջ կարող է պարունակել միայն հարաբերությունը առարկայից դեպի սուբյեկտը, այլ ոչ այն ներքինը, որը հատուկ է ինքնին օբյեկտին»⁵: Նմանությունը հարաբերությունների միջև, ըստ էյնշտեյնի (մատերիալիստական) և ըստ Կանտի (իդեալիստական), միայն տերմինական է և ոչ իմաստական: Այս լույսի տակ այն հե-

4 Э. Кассирер, Теория относительности Эйнштейна, Петроград, 1922.

5 И. Кант, Критика чистого разума, 1902.

տևությունը, որ «տեսությունը (հարաբերականության—Հ. Ա.) տալիս է քննադատական իդեալիզմի տեսակետի ամենաորոշակի կիրառությունը և նրա իրականացումը կյանքում, հենց քննադատական գիտության ներսում»⁶, բավական հապճեպ է:

Հարաբերականության տեսության մեջ Կասիրերը ձգտում է տեսնել ժամանակի և տարածության կանտյան ուսմունքը որպես «հոգու ամուր օրենք», «լծորդման սխեմա», «արտաքին ակնառու պատկերաձև»: Նա փնտրում է այն գծերը, որոնք մերձեցնում են կանտյան վերոհիշյալ պատկերացումները էյնշտեյնյան պատկերացումների հետ: Կանտը, ինչպես էյնշտեյնը,—գրում է Կասիրերը,—գիտակցել է, որ ամեն մի տարածություն պատկերացնելի է միայն որպես հարաբերական: Կանտը ժամանակը և տարածությունը որպես «իրեր» չի ընդունել այնպես, ինչպես և էյնշտեյնը: Այն, որ հարաբերականության տեսությունը պարունակում է «իդեալական մոմենտ», էյնշտեյնը չի կարող ժխտել այնպես, ինչպես և ցանկացած «պոզիտիվիստը» ընդհանրապես: Ժամանակի և տարածության հասկացությունների հիմնայնությունը, որոնք չեն կարող դուրս բերվել ավելի հիմնականից, Կանտը և էյնշտեյնը գիտակցել են հավասարապես: Տարածությունը և ժամանակը հատուկ հարաբերականության տեսության մեջ համասեռ են այնպես, ինչպես Կանտի պատկերացման մեջ: Տարբերությունը միայն նրանում է, որ ժամանակը և տարածությունը էյնշտեյնի մոտ կապված են շարժման հետ, իսկ Կանտի մոտ՝ «անշարժ են» (Հ. Ա.): Բայց ինչու,—զարմանում է նեոկանտականը,—Կանտի «զուտ հայեցողական պատկերացման» մեջ պետք է դիտել «անշարժ պատկեր» և ոչ թե «կոնստրուկտիվ մեթոդ: Փոխարինելով «պատկերը» «մեթոդով», որը չի հակասում Կանտի իմացաբանության տեսությանը, այլ ընդհակառակը «պահանջվում է» նրա էությունը, «բացահայտում է» կանտյան ապրիորիզմի ուսմունքի հակառակորդների մոտ այդքան տարածված թյուրիմացությունը:

Նախքան ապրիորիզմի փոփոխության հիմնավորումը (որը նեոկանտականության կողմից հարաբերականության տեսության ընդունելու միակ ելքն է հանդիսանում) Կասիրերը մատուցում է հատուկ «դիալեկտիկան»:

Մտածողությունը, կարողում ենք Կասիրերի մոտ, համաձայն իր պահանջների, փոփոխում է ամեն ինչի հիմքում ընկած «պարզ» չափողական հարաբերությունների ձևերը⁷: Նախօրոք ձեռք բերված և խիստ սահմանված փորձի հարաբերությունները մտնում են նոր մտավոր կապի մեջ: Մտածողության «հենակետները» շարժման մեջ են մտնում և փոխարինվում են: Առաջին ելադրույթը փոխարինվում է երկրորդով, երկրորդը—երրորդով: Նեոպոզիտիվիզմի համար նախատեսված ապրիորիզմի փոփոխելիությունը հիմնավորող այս «միակողմ» դիալեկտիկան չի բացատրում նշված «շարժման» սկզբնաշարժիչը: Բացի այդ, Կասիրերյան ապրիորիզմի դիրքերից հնարավոր չէ բացատրել, ինչու նյութոնյան ժամանակա-տարածական պատկերացումներն են նախորդել էյնշտեյնյան պատկերացումներին և ոչ հակառակը: Ամբողջ հույսը Կասիրերի մոտ կապված է իմացության սուբյեկտիվ մոմենտի հետ, և նա անում է ամեն ինչ այն օգտագործելու համար:

⁶ Э. Кассирер, Теория относительности Эйнштейна, стр. 82.

⁷ Э. Кассирер, Теория относительности Эйнштейна, стр. 27.

էյնշտեյնի կողմից տարածության, ժամանակի և ձգողականության ֆիզիկական տեսությունը խառնաշփոթություն առաջացրեց ժամանակի և տարածության սուբյեկտիվությունը քարոզող բոլոր իդեալիստների մոտ: Պատմությանը արդեն պատկանող իդեալիստական մի շարք մեկնաբանություններ այսօր հնչում են բավական կուրյոզ և հումորիստական: Այս դասը մոռացության է տալիս ժամանակակից նեոպոզիտիվիզմը, որը շարունակում է «հերքել» մատերիալիզմը հարաբերականության տեսության ցուցանակի տակ, եռանդագին քրքրելով փիլիսոփայական իդեալիզմի իր դարն ապրած արժանալը:

О. АДИБЕКЯН

ФИЛОСОФСКИЙ ИДЕАЛИЗМ И ТЕОРИЯ ОТНОСИТЕЛЬНОСТИ

Р е з ю м е

Современная борьба с идеалистическими интерпретациями теории относительности ведется преимущественно против неопозитивизма. Исследование современно-неопозитивистского подхода к упомянутой теории ведет к вскрытию эволюции ее и корней. При этом обнаруживается, что неопозитивизм использует (и стремится скрыть такое заимствование) отжившие аргументы, выдвинутые в свое время разными идеалистическими школами против материализма. В данной статье затрагиваются интуитивистская, позитивистская и неокантианская интерпретации специальной теории относительности, выдвинутые А. Бергсоном, М. Шликом и Э. Кассирером в период до 1922 г.